



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**PRAVOBRANILAŠTVO**

Broj: 01-08-Gp-8/24  
Sarajevo, 16.01.2024. godine

**GRAD SARAJEVO**  
**GRADONAČELNICA**

**PREDMET:** Obavijest – MN MEDIA COMPANY d.o.o. Sarajevo – Vansudska nagodba

Poštovana gradonačelnice,

Pred Općinskim sudom u Sarajevu u predmetu broj 65 0 Ps 920315 21 Ps vodi se parnični postupak iniciran od strane Pravobranilaštva Grada Sarajevo, u kojem su parnične stranke Grad Sarajevo kao tužitelj i privredno društvo MN MEDIA COMPANY d.o.o. Sarajevo kao tuženi, a sve povodom duga po ispostavljenim fakturama za korištenje priobalnog pojasa rijeke Miljacke, u ukupnom iznosu od 56.272,12 KM.

Rješenjem Općinskog suda u Sarajevu od dana 06.06.2023. godine u navedenom predmetu, obustavljen je predmetni parnični postupak radi nastavka istog po pravilima izvršnog postupka. Protiv navedenog Rješenja tuženi je dana 21.06.2023. godine izjavio žalbu, dok je tužitelj dana 10.07.2023. godine izjavio odgovor na žalbu. Trenutno je postupak u fazi rješavanja po žalbi pred Kantonalnim sudom u Sarajevu, a uzimajući u obzir praksu i uobičajenu dužinu trajanja postupaka pred Kantonalnim sudom, ne očekujemo da će isti biti okončan u doglednom periodu.

**DOKAZ:** - Tužba od dana 05.08.2021. godine sa potvrdom Općinskog suda u Sarajevu o prijemu dokumenta od 06.08.2021. g.  
- Rješenje Općinskog suda u Sarajevu br. 65 0 Ps 920315 21 Ps od 06.06.2023. g.  
- Žalba tuženog od 06.06.2023. g.  
- Odgovor na žalbu tužitelja od 21.06.2023. g.

Dana 07.12.2023. godine na adresu Pravobranilaštva Grada Sarajevo je dostavljen akt punomoćnika tuženog kojim povodom gore navedenog sudskog postupak predlaže zaključenje nagodbe, na način da predlaže izmirenje duga u iznosu od 40.000,00 KM.

Tužitelj se izjasnio na navedeni akt svojim dopisom od dana 13.12.2023. godine kojim je pozvao tuženog za dostavu informacije na šta se odnosi iznos od 40.000,00 KM uzimajući u obzir da glavni dug u navedenom sudskom postupku 56.272,12 KM.

Po navedenom, tuženi je dana 19.12.2023. godine dostavio tužitelju Akt kojim predlaže zaključenje vansudske nagodbe u pogledu iznosa glavnog duga od 56.272,12 KM zajedno sa nacrtom same vansudske nagodbe.

Adresa: Hamdijo Kreševljakovića 3  
71 000 Sarajevo  
Tel.: +387 33 206 440  
Fax: +387 33 206 440  
Email: pravobranilastvo@sarajevo.ba  
Web: www.sarajevo.ba



Naknadno je od strane Pravobranilaštva Grada Sarajevo korigovan i zajedno sa punomoćnikom tuženog usaglašen nacrt vansudske nagodbe.

**DOKAZ:** - Akt tuženog – Prijedlog vansudske nagodbe od 06.12.2023. g.  
- Izjašnjenje tužitelja br. 01-08-P-4-4/23 od 13.12.2023. g.  
- Akt tuženog – Prijedlog vansudske nagodbe od 19.12.2023. g.  
- Nacrt vansudske nagodbe

Uzimajući u obzir da je prijedlog tuženog, a što je predviđeno i predmetnim nacrtom vansudske nagodbe, da se tuženom oproste kamate na iznos glavnog duga, predlažemo da se predmetni materijal dostavi Gradskom vijeću na razmatranje i odlučivanje, uzimajući u obzir da je odredbama Statuta Grada Sarajeva kao nadležnost Gradskog vijeća Grada Sarajeva definisano „*upravljanje i raspolaganje imovinom Grada Sarajeva*“.

Pravobranilaštvo je stava da ne postoje zakonske smetnje za zaključenje vansudske nagodbe, s tim da je prije navedenog, a u pogledu oprosta zakonske zatezne kamate potrebno dobiti suglasnost Gradskog vijeća Grada Sarajevo.

Odredbama člana 1089. Zakona o obligacionim odnosima je definisana mogućnost poravnjanja, te je propisano da „*Ugovorom o poravnanju lica između kojih postoji spor ili neizvjesnost o nekom pravnom odnosu, pomoću uzajamnih popuštanja prekidaju spor, odnosno uklanjaju neizvjesnosti i određuju svoja uzajamna prava i obaveze*“, dok odredbe člana 1090. definišu u čemu se sastoje uzajamna popuštanja te propisuju da „*Popuštanje se može sastojati, između ostalog, u djelimičnom ili potpunom priznavanju nekog zahtjeva druge strane, ili u odricanju od nekog svog zahtjeva; u uzimanju na sebe neke nove obaveze; u smanjenju kamatne stope; u produženju roka; u pristajanju na djelimične otplate; u davanju prava na odustanicu*“.

U konkretnom slučaju popuštanje Grada Sarajevo bi se ogledalo u odricanju od zakonske zatezne kamate na iznos glavnog duga, dok bi zauzvrat Grad Sarajevo dobio namirenje glavnog duga u iznosu od 56.272,12 KM u 10 mjesečnih rata, a povodom istog bi se u suprotnom vodio dugotrajan i neizvjestan sudski postupak što je u suprotnosti sa načelima ekonomičnosti i efikasnosti.

Obzirom na sve navedeno, predlažemo da se predmetni materijal uputi na Gradsko vijeće radi razmatranja i donošenja konačne odluke.

S poštovanjem,

**PRAVOBRANILAC GRADA SARAJEVO**

**DOSTAVITI:**

Naslovu,

- Gradska služba za urbano planiranje, investicije, stambene i komunalne poslove,
- U spis.



Admir Jusufbegović

OPCINSKI SUD U SARAJEVU  
Broj,predmeta: 65 0 Ps 920315 21 Ps  
06.08.2021, Sarajevo

### Potvrda prijema dokumenta

Vrsta dokumenta	Tužba Ps-predmet
Podnosilac dokumenta	GRAD SARAJEVO GRADSKA UPRAVA GRADA SARAJEVA ZASTUPAN PO PRAVOBRANILAŠTVU GRADA SARAJEVO
Datum i vrijeme prijema	06.08.2021 09:49:16
Datum i vrijeme pošte	
ID dokumenta	65-19141770
Vanjski broj	
Broj primjeraka	2
Vrsta prijema dokumenta	DIREKTNO
Glavne stranke	GRAD SARAJEVO GRADSKA UPRAVA GRADA SARAJEVA ZASTUPAN PO PRAVOBRANILAŠTVU GRADA SARAJEVO MN MEDIA COMPANY DOO
Predmet zadužio(la)	AIDA DURIC-HRVAČIĆ
Radi	PS2 : Isplata potraživanja, Osnovi za privredne sporove
Vrijednost spora	56.272,12 KM

### PRIKAZ TROŠKOVA ZA PARNIČNE I PRIVREDNE SPOROVE

#### Izrada tužbe:

- Ako advokat pripada adv. komori FBiH: 1440 KM
- Ako advokat pripada Adv. komori RS: 700 KM
- Taksa na tužbu: od 1000 KM do 1688,16 KM

#### Pripremno ročište:

- Ako advokat pripada adv. komori FBiH: 1440 KM
- Ako advokat pripada Adv. komori RS: 700 KM

#### Glavna rasprava:

- Ako advokat pripada adv. komori FBiH: 1440 KM
- Ako advokat pripada Adv. komori RS: 700 KM
- Taksa na odluku: od 100 KM do 1688,16 KM

#### NAPOMENE:

- Procjena troškova ne predstavlja stvarni iznos troškov postupka, informativnog je karaktera i nije obavezujuća sud ili stranku.
- Svoj spor možete riješiti brže i ekonomičnije sklapanjem sudske nagodbe. Za sve informacije obratite se ovom sudu.
- Detaljnija informacija o troškovima dostupna je putem [https://www.pravosudje.ba/kalkulator\\_troskova/](https://www.pravosudje.ba/kalkulator_troskova/).

Primio(la)  
AMRA ARNAUTOVIĆ



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**PRAVOBRANILAŠTVO**

Broj: 02-08-P-4/21  
Sarajevo, 05.08.2021.godine

**OPĆINSKI SUD U SARAJEVU**  
**Ul. Šenoina br. 1**

**TUŽITELJ:** Grad Sarajevo, koga zastupa Pravobranilaštvo Grada Sarajevo, ulica Hamdije Kreševljakovića broj 3,  
**TUŽENI:** MN Media Company d.o.o. Sarajevo, ulica Glodina broj 1,  
**Radi:** Duga  
**V.sp:** 56.272,12 KM  
**Pravni osnov:** Član 324. Zakona o obligacionim odnosima i član 6. Odluke o korištenju održavanju i čuvanju uređenih korita i obala vodotoka na području Grada Sarajevo.  
**Osnov za nadležnost Suda:** čl.: 27. i 28. Zakona o parničnom postupku.

**TUŽBA**

Zakonom o vodama FBiH („Sl. novine Federacije BiH“, broj: 70/06) u članu 15. je propisano da nad vodnim objektima u urbanim područjima vlasništvo ima Grad i općina, ukoliko kantonalnim propisom nije drukčije određeno.

Zakonom o vodama Kantona Sarajevo („Sl. novine Kantona Sarajevo“, broj: 18/10) u članu 9. je propisano da nad vodnim objektima u urbanim područjima vlasništvo ima Grad, odnosno općine, ukoliko ista nije na području Grada.

Prema naprijed navedenim Zakonima Grad i općine su dužni obezbijediti materijalne i organizacione uslove za održavanje vodnih objekata, iz stava (1) ovog člana u funkcionalnom stanju, korištenje u skladu sa njihovom prirodom i namjenom, te njihovo čuvanje od uništenja, oštećenja ili nenamjenskog korištenja.

U tom kontekstu Gradsko vijeće i općinska vijeća donijeli su odgovorajuće Odluke o načinu korištenja i drugim pitanjima od značaja za održavanje i čuvanje objekata iz stava (1) ovog člana, a primjenjeno na Grad Sarajevo ukazuje se da je Gradsko vijeće donijelo vlastitu Odluku o korištenju, održavanju i čuvanju uređenih korita i obala vodotoka na području Grada Sarajevo („Sl. novine Kantona Sarajevo“, broj: 2/07), koja je i trenutno na snazi. Član 6. Odluke utvrdio je mogućnost da se uređena korita i obale vodotoka mogu, između ostalog, koristiti i za postavljanje reklamnih panoa i drugih vrsta reklamnog materijala. Članom 7. Odluke utvrđeno je da je podnosilac zahtjeva za korištenje korita i obala vodotoka dužan platiti odgovarajuću naknadu, a visinu naknade i način plaćanja utvrđuje Gradonačelnik na prijedlog nadležne Službe. Prikupljena naknada u cjelosti pripada Gradu Sarajevo i usmjerava se na održavanje i zaštitu uređenih korita i obala vodotoka.

Shodno svojim ovlaštenjima iz Odluke, Gradonačelnik Grada Sarajevo, u postupku izdavanja odobrenja za svaku pojedinačnu lokaciju za postavljanje reklamnih panoa, Tuženom MN Media Company d.o.o. Sarajevo, donio je Rješenja koja su temporalnog karaktera, odnosno vrijede 365 dana (1 godinu) od dana pravosnažnosti, i na kojima je vidljiv iznos naknade koju bi tuženi za period od godinu dana trebao platiti. Na naprijed navedeni način donesena su rješenja kako slijedi:

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 206 440  
**Fax:** +387 33 206 440  
**Email:** pravobranilastvo@sarajevo.ba  
**Web:** www.sarajevo.ba





**DOKAZ:**

- Rješenje broj 01/04-23-1450-1/18 od 05.03.2018. godine;
- Rješenje broj 01/04-23-1450-2/18 od 05.03.2018. godine;
- Rješenje broj 01/04-23-1450-3/18 od 05.03.2018. godine;
- Rješenje broj 01/04-23-1998-1/18 od 24.04.2018. godine;
- Rješenje broj 01/04-23-3074-2/18 od 12.07.2018. godine;
- Rješenje broj 01/04-23-3074-3/18 od 12.07.2018. godine;
- Rješenje broj 01/04-23-5874-1/18 od 29.11.2018. godine.
- Rješenje broj 01/04-14-2443-2/19 od 04.04.2019. godine;
- Rješenje broj 01/04-14-2443-3/19 od 04.04.2019. godine;
- Rješenje broj 01/04-14-2443-4/19 od 04.04.2019. godine;
- Rješenje broj 01/04-23-2051-2/19 od 08.04.2019. godine;

Temeljem donesenih rješenja na način kako je to u istim i navedeno a u skladu sa Pravilnicima o visini naknade i načinu plaćanja korištenja uređenih vodotoka koji su bili na snazi za date vremenske periode, Tužitelj je Tuženom mjesečno ispostavljao fakture sumarno za sve lokacije za postavljanje panoa za koja je imao Rješenja.

**DOKAZ:**

- Broj IF18-00081 od 30.11.2018. godine;
- Broj IF18-00089 od 31.12.2018. godine;
- Broj IF19-00008 od 31.01.2019. godine;
- Broj IF19-00011 od 28.02.2019. godine;
- Broj IF19-00020 od 31.03.2019. godine;
- Broj IF19-00032 od 30.04.2019. godine;
- Broj IF19-00038 od 31.05.2019. godine;
- Broj IF19-00047 od 30.06.2019. godine;
- Broj IF19-00053 od 31.07.2019. godine;
- Broj IF19-00060 od 31.08.2019. godine;
- Broj IF19-00066 od 30.09.2019. godine;
- Broj IF19-00072 od 31.10.2019. godine;
- Broj IF19-00079 od 30.11.2019. godine;
- Broj IF19-00087 od 31.12.2019. godine;
- Broj IF20-00003 od 31.01.2020. godine;
- Broj IF20-00012 od 29.02.2020. godine;
- Broj IF20-00021 od 31.03.2020. godine;
- Broj IF20-00030 od 30.04.2020. godine;
- Broj IF20-00039 od 31.05.2020. godine;
- Broj IF20-00048 od 30.06.2020. godine;
- Broj IF20-00056 od 31.07.2020. godine;
- Broj IF20-00066 od 31.08.2020. godine;
- Broj IF20-00077 od 30.09.2020. godine;
- Broj IF20-00088 od 31.10.2020. godine;
- Broj IF20-00101 od 30.11.2020. godine;
- Broj IF20-00114 od 31.12.2020. godine;
- Broj IF21-00002 od 31.01.2021. godine;
- Broj IF21-00014 od 28.02.2021. godine;
- Broj IF21-00025 od 31.03.2021. godine;
- Broj IF21-00039 od 30.04.2021. godine;
- Broj IF21-00051 od 31.05.2021. godine;

Tuženi je određen vremenski period uredno izvršavao svoju obavezu, nakon čega je uslijedio period kada je Tuženi imao određenih primjedbi te iznio tvrdnje da ne koristi određene lokacije za koje su mu izdata rješenja te da osporava određene fakture koje po njegovom shvatanju nisu uredno fakturisane te je iste kontinuirano.

Nakon istaknutih primjedbi administracija Grada Sarajeva je izvršila dodatne provjere te je posredstvom svog komunalnog inspektora u više navrata vršila provjere lokacija na kojima je Tuženi imao svoje reklamne panoje, te provjere u smislu urednog fakturisanja naknade nakon čega je konačno utvrđeno da primjedbe Tuženog nisu tačne te da nepostoji mogućnost mirnog rješenja spora te se u tom smislu obratio Tuženom sa Opomenom pred tužbu.

Obzirom da Tuženi nije izvršavao svoju obavezu odnosno nije vršio plaćanje po ispostavljenim fakturama, temeljem naprijed navedenih rješenja i izdatih faktura ostao je dužan Tužitelju, te taj dug na dan 31.05.2021. godine iznosi od 56.272,12 KM.

#### **DOKAZ:**

- Otvorene stavke MN MEDIA COMPANY d.o.o. Sarajevo na dan 31.05.2021. godine;
- Vještačenje po vještaku finansijske struke, na okolnost postojanja i visine duga;
- Svjedočenje po svjedoku Amiru Pandži, uposleniku Grada Sarajevo;
- Svjedočenje po svjedoku Goranu Vujoviću, uposleniku Grada Sarajevo;

Iz svega naprijed navedenog sasvim jasno proizilazi da Tuženi nije izvršio svoju obavezu prema Tužitelju te da mu je ostao dužan, te temeljem Zakona o obligacionim odnosima Tužitelj predlaže da Sud nakon provedenog dokaznog postupka donese slijedeću:

#### **PRESUDU**

Usvaja se Tužbeni zahtjev.

Tuženi MN MEDIA COMPANY d.o.o. Sarajevo obavezuje se da Tužitelju Gradu Sarajevo isplati dug u iznosu od 56.272,12 KM, sa zakonskom zateznom kamatom počev od dospijea svake pojedinačne ispostavljene fakture pa do isplate.

Tuženi je dužan Tužitelju nadoknaditi i troškove postupka prema Advokatskoj tarifi.

Tužitelj zadržava pravo da konačno opredijeli visinu Tužbenog zahtjeva, kao i potraživanje zakonskih zatezних kamata nakon što vještak finansijske struke izradi svoj nalaz i mišljenje.

Tužitelj predlaže da Sud donese Presudu zbog propuštanja shodno članu 182. Zakona o parničnom postupku ukoliko Tuženi blagovremeno ne dostavi pismeni odgovor na tužbu u zakonskom roku.

**ZAMJENIK PRAVOBRANIIOCA  
GRADA SARAJEVO**

 Besim Musakadic

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 Ps 920315 21 Ps  
Sarajevo, 06.06.2023. godine

Općinski sud u Sarajevu, sudija Ivana Kulić u pravnoj stvari tužioca Grad Sarajevo zastupan po Pravobranilaštvu Grada Sarajeva, ulica Hamdije Kreševljakovića broj 3, Sarajevo protiv tuženog MN Media Company d.o.o. Sarajevo, ulica Glodina broj 1, Sarajevo, radi duga, vrijednost spora 56.272.12 KM, u toku pripremanja glavne rasprave, van ročišta, dana 06.06.2023. godine donio je

### RJEŠENJE

Stavlja se van snage rješenje o održavanju pripremnog ročišta od 19.04.2023. godine i rješenje kojim je zakazana glavna rasprava za dan 13.06.2023. godine i ukidaju sve provedene radnje.

Obustavlja se parnični postupak u ovoj pravnoj stvari.

Postupak će se nakon pravosnažnosti ovog rješenja, a po pravilima izvršnog postupka, nastaviti pred ovim sudom kao stvarno i mjesno nadležnim.

### Obrazloženje

Tužilac je dana 06.08.2021. godine podnio tužbu protiv tuženog a radi duga u iznosu od 56.272.12 KM.


U konkretnom slučaju tužbeni zahtjev se odnosi na obavezu plaćanja naknade za korištenje priobalnog pojasa rijeke Miljacke u cilju postavljanja reklamnih panoa o čemu je u upravnom postupku doneseno konačno i pravosnažno rješenje od strane gradonačelnika Grada Sarajeva a shodno članu 6 Odluke o korištenju, održavanju i čuvanju uređenih korita i obala vodotoka na području Grada Sarajeva (Sl.novina KS broj 2/07). Kao je sud utvrdio da tužilac svoje potraživanje zasniva na Rješenju broj 01/04-23-1450-1/18 od 05.03.2018. godine, Rješenje broj 01/04-23-1450-2/18 od 05.03.2018. godine, Rješenje broj 01/04-23-1450-3/18 od 05.03.2018. godine, Rješenje broj 01/04-23-1998-1/18 od 24.04.2018. godine, Rješenje broj 01/04-23-3074-2/18 od 12.07.2018. godine, Rješenje broj 01/04-23-3074-3/18 od 12.07.2018. godine, Rješenje broj 01/04-23-5874-1/18 od 29.11.2018. godine, Rješenje broj 01/04-14-2443-2/19 od 04.04.2019. godine, Rješenje broj 01/04-14-2443-3/19 od 04.04.2019. godine, Rješenje broj 01/04-14-2443-4/19 od 04.04.2019. godine, Rješenje broj 01/04-23-2051-2/19 od 08.04.2019. godine, a koja rješenja su donesena u upravnom postupku, te koji u smislu odredbe člana 23 a u vezi sa članom 24 stav 2 Zakona o izvršnom postupku („Službene novine F BiH“, broj 32/03) predstavlja izvršnu ispravu kao odluka donesena u upravnom postupku koja glasi na ispunjenje novčane obaveze.

Odredbom člana 18 stav 1 Zakona o parničnom postupku propisano je da će sud rješenjem obustaviti parnični postupak ako utvrdi da bi postupak trebalo provesti po pravilima vanparničnog postupka, a obzirom da navedeni rješenja predstavljaju izvršnu ispravu sud je predmet ustupio na izvršenje gdje će se postupati po pravilima izvršnog postupka.

### POUKA:

Protiv ovog rješenja dozvoljena je žalba Kantonalnom sudu u Sarajevu, u roku od 30 dana od dana prijema istog. Žalba se podnosi putem ovog suda u dovoljnom broju primjeraka za sud i stranke.

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
PRAVOBRANILAŠTVO  
OPĆINSKI SUD U SARAJEVU  
06.06.2023. E



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 Ps 920315 21 Ps  
Sarajevo, 03.07.2023. godine

ZA: GRAD SARAJEVO GRADSKA UPRAVA GRADA SARAJEVA ZASTUPAN  
PO PRAVOBRANILAŠTVU GRADA SARAJEVO

U pravnoj stvari tužitelja Grad Sarajevo zastupan po Pravobranilaštvu Grada Sarajeva, ulica Hamdije Kreševljakovića broj 3, Sarajevo protiv tuženog MN Media Company d.o.o. Sarajevo, ulica Glodina broj 1, Sarajevo, radi duga, vrijednost spora 56.272,12 KM.

U prilogu dopisa dostavlja Vam se žalba od 21.06.2023. godine na Rješenje na koju možete dostaviti odgovor u roku od 8 dana od dana prijema.

SUDIJA  
Ivana Kulić

Bosna i Hercegovina-Federacija Bosne i Hercegovina  
Kanton Sarajevo - Općinski sud u Sarajevu  
PRAVOBRANILAŠTVO

BRISANO: 05.07.2023

prilog



La Benevolencija br. 2  
71 000 Sarajevo  
Bosna i Hercegovina  
Tel/Fax: 033 213-697  
GSM: 061 240-976  
advokatsanelneziric@gmail.com  
www.advokat-neziric.com



ID: 4327632190003  
PDV: 327632190003  
Transakcijski račun  
ASA Banka d.d. Sarajevo  
1346631006862364

**KANTONALNI SUD U SARAJEVU**  
**Putem Općinskog suda u Sarajevu**

**Tužitelj:** Grad Sarajevo, zastupan po Pravobranilaštvu Grada Sarajeva, ul. Hamdije Kreševljakovića broj 3, Sarajevo

**Tuženi:** MN Media Company d.o.o. Sarajevo, ul. Glodina broj 1, Sarajevo, zastupan po Sanelu Nežiriću, advokatu iz Sarajeva, ul. La Benevolencija broj 2

**Radi:** duga

**Vrijednost spora:** 56.272,12 KM

**Predmet broj: 65 0 Ps 920315 21 Ps**

U skladu sa članom 203. ZPP FBiH u zakonom ostavljenom roku, kao punomoćnik tuženog izjavljujem

**ŽALBU**

Na rješenje Općinskog suda u Sarajevu broj: 65 0 Ps 920315 21 Ps od 06.06.2023. godine, zaprimljeno dana 08.06.2023. godine.

Rješenje pobijamo u cijelosti zbog:

-povrede odredbi parničnog postupka

Pobijanim rješenjem stavljeno je van snage rješenje o održavanju pripremnog ročišta od 19.04.2023. godine i rješenje kojim je zakazana glavna rasprava za dan 13.06.2023. godine i ukinute su sve provedene radnje.

Obustavljen je parnični postupak u ovoj pravnoj stvari te je određeno da će se postupak nakon pravosnažnosti ovog rješenja, a po pravilima izvršnog postupka, nastaviti pred ovim sudom kao stvarno i mjesno nadležnim.

U obrazloženju sud navodi da se u konkretnom slučaju tužbeni zahtjev odnosi na obavezu plaćanja naknade za korištenje priobalnog pojasa Miljacke u cilju postavljanja reklamnih

panoa o čemu je u upravnom postupku doneseno konačno i pravosnažno rješenje od strane gradonačelnika Grada Sarajeva, shodno članu 6. Odluke o korištenju, održavanju i čuvanju uređenih korita i obala vodotoka na području Grada Sarajeva.

Sud navodi da je utvrdio da tužitelj svoja potraživanja zasniva na rješenjima koja su donesena u upravnom postupku, te koji u smislu odredbe člana 23. a u vezi sa članom 24. stav 2. Zakona o izvršnom postupku predstavljaju izvršnu ispravu kao odluku donesenu u upravnom postupku koja glasi na ispunjenje novčane obaveze.

U konačnici sud navodi da je odredbom člana 18. stav 1. Zakon o parničnom postupku propisano da će sud rješenjem obustaviti parnični postupak ako utvrdi da bi postupak trebalo provesti po pravilima vanparničnog postupka, te da navedena rješenja predstavljaju izvršnu ispravu te je sud predmet ustupio na izvršenje gdje će se postupati po pravilima izvršnog postupka.

**Smatramo da je ovakvo rješenje nepravilno i nezakonito.**

Naime, članom 18. stav 1. ZPP FBiH propisano je:

*Do donošenja odluke o glavnoj stvari sud će rješenjem obustaviti parnični postupak ako utvrdi da bi postupak trebalo provesti po pravilima vanparničnog postupka. Nakon pravomoćnosti rješenja postupak će se nastaviti po pravilima vanparničnog postupka pred nadležnim sudom.*

Navedenim članom je eksplicitno propisana mogućnost da sud obustavi parnični postupak ukoliko utvrdi da bi postupak trebalo provesti po pravilima vanparničnog postupka.

Međutim, navedenim članom kao niti bilo kojom drugom odredbom ZPP-a nije propisana mogućnost obustavljanja parničnog postupka ukoliko sud utvrdi da bi postupak trebalo provesti po pravilima izvršnog postupka, te je donošenjem pobijanog rješenja sud povrijedio odredbe člana 18. stav 1. ZPP-a.

Ujedno ističemo da je sam tužitelj mogao podnijeti prijedlog za izvršenje ukoliko je smatrao da navedena rješenja predstavljaju izvršnu ispravu, ali je isti sam izabrao da podnese tužbu u parničnom postupku, te je predmet spora sasvim moguće riješiti i u parničnom postupku.

Imajući u vidu sve navedeno, predlažemo da Kantonalni sud u Sarajevu usvoji ovu žalbu, ukine rješenje Općinskog suda u Sarajevu broj: 65 0 Ps 920315 21 Ps od 06.06.2023. godine i predmet vrati prvostepenom sudu na dalji postupak.

Troškovnik:

-Sastav žalbe..... 1.208,00 KM + 17% PDV = 1.413,36 KM

Sarajevo, 21.06.2023. godine

tužena po punomoćniku  
advokat Sanel Nezirić

## Potvrda prijema dokumenta

Vrsta dokumenta	Odgovor na žalbu
Podnosilac dokumenta	GRAD SARAJEVO GRADSKA UPRAVA GRADA SARAJEVA ZASTUPAN PO PRAVOBRANILAŠTVU GRADA SARAJEVO
Datum i vrijeme prijema	10.07.2023 12:42:23
Datum i vrijeme pošte	
ID dokumenta	65-22232110
Vanjski broj	
Broj primjeraka	3
Vrsta prijema dokumenta	DIREKTNO
Glavne stranke	GRAD SARAJEVO GRADSKA UPRAVA GRADA SARAJEVA ZASTUPAN PO PRAVOBRANILAŠTVU GRADA SARAJEVO - MN MEDIA COMPANY DOO
Predmet zadužio(1a)	IVANA KULIĆ
Radi	PS2 : Isplata potraživanja, Osnovi za privredne sporove
Vrijednost spora	56.272,12 KM

Primio(1a)  
MARINA MILIČEVIĆ ROJS



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**PRAVOBRANILAŠTVO**

Broj: 02-08-P-4-3/21  
Sarajevo, 07.07.2023. godine

**KANTONALNOM SUDU U SARAJEVU**  
**putem OPĆINSKOG SUDA U SARAJEVU**  
**na broj: 65 0 Ps 920315 21 Ps**

**TUŽITELJ:** Grad Sarajevo, koga zastupa Pravobranilaštvo Grada Sarajevo, ulica Hamdije Kreševljakovića broj 3,  
**TUŽENI:** MN Media Company d.o.o. Sarajevo, ulica Glodina broj 1, zastupan po Saneru Neziriću, advokatu iz Sarajeva, ul. La Benevolencije broj 2,  
**Radi:** Duga  
**V.sp:** 56.272,12 KM

Tužitelj je dana 05.07.2023. godine zaprimio dopis Općinskog suda u Sarajevu broj: **65 0 Ps 920315 21 Ps** od 03.07.2023. godine kojim mu se dostavlja žalba tuženog MN MEDIA COMPANY d.o.o. Sarajevo izjavljena na Rješenje Općinskog suda u Sarajevu broj: 65 0 Ps 920315 21 Ps od 06.06.2023. godine, na koju, u skladu sa odredbama člana 214. Zakona o parničnom postupku Federacije Bosne i Hercegovine (ZPP FBiH), putem Pravobranilaštva Grada Sarajevo u ostavljenom roku podnosi i sudu dostavlja

### **ODGOVOR NA ŽALBU**

Pravobranilaštvo Grada Sarajevo osporava navode iznesene u žalbi Tuženog na rješenje broj: 65 0 Ps 920315 21 Ps od 06.06.2023. godine, te apsolutno stoji na stanovištu da je Općinski sud u Sarajevu donio na zakonu zasnovano rješenje u kojem je ispravno konstatovao da su Rješenja Grada Sarajevo, na kojima je zasnovan tužbeni zahtjev Tužitelja izvršne isprave, citiramo: "A koja rješenja su donesena u upravnom postupku, te koji u smislu odredbe člana 23 a u vezi sa članom 24 stav 2 Zakona o izvršnom postupku ("Službene novine F BiH", broj 32/02) pretstavlja izvršnu ispravu kao odluka donesena u upravnom postupku koja glasi na ispunjenje novčane obaveze."

Također želimo da se osvrnemo i na konstataciju punomoćnika Tužene kada u izjavljenoj žalbi konstatuje da: "Da je sam tužitelj mogao podnijeti prijedlog za izvršenje ukoliko je smatrao da navedena rješenja pretstavljaju izvršnu ispravu, ..", dakle, pitanje vrste postupka koju će tužitelj voditi u odnosu na tuženog u cilju naplate svog potraživanja je pitanje njegovog izbora koji je ograničen isključivo pozitivno-pravnim propisima, te je predmet njegove procjene na koji način će najefikasnije ostvariti naplatu.

U skladu sa navedenim smatramo da je Općinski sud u Sarajevu u ovoj pravnoj stvari pravilno primjenio osnovna načela parničnog postupka te u konačnici donio ispravno i zakonito rješenje, te

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 206 440  
**Fax:** +387 33 206 440  
**Email:** pravobranilastvo@sarajevo.ba  
**Web:** www.sarajevo.ba



radi naprijed navedenog, Tužitelj predlaže da drugostepeni sud u cijelosti odbije žalbu tužitelja kao neosnovanu i potvrdi prvostepeno Rješenje te tuženog obaveže da Tužitelju naknadi troškove postupka.

Troškovnik,  
Sastav Odgovora na žalbu u iznosu od 1.233,00 KM

**ZAMJENIK PRAVOBRANIOCA  
GRADA SARAJEVO**

~~Besim Musakadric~~

La Benevolencija br. 2  
71 000 Sarajevo  
Bosna i Hercegovina  
Tel/Fax: 033 213-697  
GSM: 061 240-976  
advokatsanelneziric@gmail.com  
www.advokat-nezirc.com



ID: 4327632190003  
PDV: 327632190003  
Transakcijski račun  
ASA Banka d.d. Sarajevo  
1346631006862364

**PRAVOBRANILAŠTVO GRADA SARAJEVA**  
**Čemaluša br. 3**  
**71000 Sarajevo**

**N/R: Sanjin Smajlović**

**Predmet: Prijedlog vansudske nagodbe**

Bosna i Hercegovina-Federacija Bosna i Hercegovina  
Kanton Sarajevo - GRAD SARAJEVO  
PRAVOBRANILAŠTVO

PRIJELJENO: 07.12.2023. g.			
Organizaciona jedinica	Klasifikacioni broj	Redni broj	Godina

Poštovani/a,

Ovim putem vam se obraćamo kao punomoćnici MN MEDIA COMPANY d.o.o. Sarajevo sa prijedlogom Vansudske nagodbe radi rješavanja međusobnih prava i obaveza.

Naime, pred Općinskim sudom u Sarajevu se vodi parnični postupak pod brojem 65 0 Ps 920315 21 Ps između Grada Sarajeva, kao tužitelja, i našeg klijenta, kao tuženog, a povodom novčanih potraživanja na ime duga.

Shodno navedenom, a radi brzog okončanja sudskog postupka, naš klijent predlaže plaćanje iznosa od **40.000,00 KM**, uz oprost i otpis zakonskih zatezних kamata, a sve u skladu sa drugim uslovima pobliže propisanim u prijedlogu Vansudske nagodbe koji vam dostavljamo na izjašnjenje radi potpisivanja i/ili eventualnih promjena i usklađivanja prije potpisivanja, a u prilogu ovog dopisa.

Molimo vas da nam dostavite vaše izjašnjenje na adresu našeg ureda La Benevolencija 2, 71000 Sarajevo i/ili putem e-maila na [advokatsanelneziric@gmail.com](mailto:advokatsanelneziric@gmail.com).

Sarajevo, 06.12.2023. godine

Punomoćnik, advokat Sanel Nezirić



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**PRAVOBRANILAŠTVO**

Broj: **01-08-P-4-4/23**  
Sarajevo, 13.12.2023. godine

**ADVOKAT**  
**SANEL NEZIRIĆ**  
La Benevolencija br. 2  
71000 Sarajevo

**PREDMET:** Izjašnjenje na Vaš akt – Prijedlog vansudske nagodbe

Poštovani kolega,

Potvrđujemo prijem Vašeg dopisa sa prijedlogom vansudske nagodbe i zahvaljujem se na istom.

Predmetnim aktom predlažete vansudsku nagodbu u pogledu dugovanja društva MN MEDIA COMPANY d.o.o. prema Gradu Sarajevo povodom kojeg je pred Općinskim sudom u Sarajevu pokrenut parnični postupak koji se vodi pod brojem 65 0 Ps 920315 21 Ps.

U istom aktu navodite da tuženi MN MEDIA COMPANY d.o.o. predlaže plaćanje iznosa od 40.000,00 KM uz oprost i otpis zakonskih zateznih kamata, a sve u skladu sa drugim iznosima poblize propisanih u prijedlogu vansudske nagodbe koji nam dostavljate na izjašnjenje.

Shodno navodima Vašeg dopisa, molimo Vas za dostavu informacije na šta se konkretno odnosi iznos od 40.000,00 KM koji navodite u nagodbi, obzirom da tuženi nije izvršavao svoje obaveze niti vršio plaćanje po ispostavljenim fakturama i time ostao dužan tužitelju iznos od 56.272,12 KM, a što je i predmet navedenog parničnog postupka.


U očekivanju Vašeg odgovora, unaprijed se zahvaljujemo.

S poštovanjem,

**DOSTAVITI:**

- Naslovu

*U* spis.



**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 206 440  
**Fax:** +387 33 206 440  
**Email:** pravobranilastvo@sarajevo.ba  
**Web:** www.sarajevo.ba



La Benevolencija br. 2  
71 000 Sarajevo  
Bosna i Hercegovina  
Tel/Fax: 033 213-697  
GSM: 061 240-976  
advokatsanelneziric@gmail.com  
www.advokat-neziric.com



ID: 4327632190003  
PDV: 327632190003  
Transakcijski račun  
ASA Banka d.d. Sarajevo  
1346631006862364

**PRAVOBRANIŠTVO GRADA SARAJEVA**  
**Čemaluša br. 3**  
**71000 Sarajevo**

**N/R: Sanjin Smajlović**

**Predmet: Prijedlog vansudske nagodbe**

Poštovani/a,

Ovim putem vam se obraćamo kao punomoćnici MN MEDIA COMPANY d.o.o. Sarajevo sa prijedlogom Vansudske nagodbe radi rješavanja međusobnih prava i obaveza.

Naime, pred Općinskim sudom u Sarajevu se vodi parnični postupak pod brojem 65 0 Ps 920315 21 Ps između Grada Sarajeva, kao tužitelja, i našeg klijenta, kao tuženog, a povodom novčanih potraživanja na ime duga.

Shodno navedenom, a radi brzog okončanja sudskog postupka, naš klijent predlaže plaćanje iznosa od **56.272,12 KM** u deset jednakih mjesečnih rata, uz oprost i otpis zakonskih zateznih kamata radi brzog okončanja postupka, a sve u skladu sa drugim uslovima pobliže propisanim u prijedlogu Vansudske nagodbe koji vam dostavljamo na izjašnjenje radi potpisivanja i/ili eventualnih promjena i usklađivanja prije potpisivanja, a u prilogu ovog dopisa.

Molimo vas da nam dostavite vaše izjašnjenje na adresu našeg ureda La Benevolencija 2, 71000 Sarajevo i/ili putem e-maila na [advokatsanelneziric@gmail.com](mailto:advokatsanelneziric@gmail.com).

Sarajevo, 18.12.2023. godine

Punomoćnik advokat Sanel Nezirić

Bosna i Hercegovina - Federacija Bosne i Hercegovine  
Kanton Sarajevo - GRAD SARAJEVO  
PRAVOBRANIŠTVO

PRIJELJEZO: 19.12.2023.			
Broj prijete	Broj prijete	Broj prijete	Broj prijete